

摘藻堂四庫全書薈要

集部

欽定四庫全書薈要

集部

御選明詩卷六十七

詳校官原任主事臣李斯咏



欽定四庫全書薈要卷一萬八千五百六十七

集部

御選明詩卷六十七

五言律詩十八

通潤

將歸簡三如學公

曉起春寒甚思君巖上廬當門雪幾許倚杖興何如不  
日理歸櫂無人傳別書臨行重相憶先此寄雙魚

賀九嶺晚歸

半月足未出空林葉漸稀偶隨秋草去便趁晚雲歸路  
逼沙穿履松明影照衣行行轉山峽已見竹間扉

春日焦山閱楞嚴

一枝懸笠處三月聚糧時日出人初醒春深燕不知細  
風梳石髮新水扈江籬未入空王室冥然尚有疑

斯學

雪夜山行

孤舟疑入剡夜繞亂山行雪與月俱白江因人更清嵐

深寒氣重岸斷凍痕平  
況復人煙少空聞落雁聲

寄吳少君山人

知君好芳草荷芰半衣裳  
一別春山綠幾經秋葉黃  
海門生片月江寺送殘陽  
曾有天台夢相攜度石梁

智舫

秋日元微邀集水亭同  
凡上人分得憐字

葉落欲埋徑萍開為進船  
想懸孤錫處猶是小亭邊  
池水幽相映芙蓉絕可憐  
晤言須竟日重至恐經年

過天放菴

結茅野田外猶自苦逢迎  
遂擬徑常塞不容人暫行  
日高僮僕睡花落鷓鴣鳴  
竹戶憶曾啟飯僧炊午羹

以貞

七夕

空庭疎雨歇秋思夜來多  
一葉初離樹雙星已渡河  
月明花裊露風動水增波  
乞巧人間事吾生奈拙何

法衡

聞雁

嘹唳天邊雁哀聲靜夜聞雨中孤夢斷空外數行分北  
向歸沙漠南來渡楚雲人間有矰繳高舉莫離羣

欽義

長干曉發

幽事忻自抱幽尋每獨行曙鐘凌曉氣人跡動雞聲樹  
老三秋色江深六代情村煙饒野飯洗鉢浣溪清

姑孰道中

殘月含霜落城皐曉氣蒼橋橫半空出蹊折斷巖妨幽  
漱雲根冷平原草甲香我眉亭下路江水澍微茫

雨夜泊涇縣

水宿同鷗鷺平沙晚帶船山城寒漱浦溪雨暗蒸煙漁  
火深秋樹河流淺暮天西風鄉思切千里獨依然

雨中宿山寺

振衣辭夙好一錫向江鄉水逗溪煙急風鳴木葉涼密  
雲垂野白微雨淡空蒼昏黑山城路鐘聲識上方



賢首山

秀色鬱磷磷諸峰合還陳雲流飛壁冷花補斷橋春竹  
意留行客山靈愜隱人如云容駐錫終託百年身

西湖

三竺忻私託西湖自往還肆情方水澹尋石愛雲閒春  
氣調疎柳晴光抹遠山老來形漸懶未肯廢躋攀

喜吳允兆見過山寺

世事無媒入青山有分居觀心閒過日消夏坐依書塔

影含風動江光弄幌虛小亭留客處秋色感懷餘

叔堅宅同王損仲待月

仲冬何日短一飯忽黃昏待月羈人醉棲鴉競樹喧涸  
陰交竹影燈火射苔痕不覺留深夜清光到石根

瓦官寺

煙霞城闕起勝跡在林椒春草繞三徑松風話六朝冶  
城深竹樹白鷺帶江潮憶昔談經處鐘聲鎖寂寥

寬悅

送歐楨伯工部

玩世藉微祿懷歸驗夙心  
一樽霜露冷三徑草堂深  
月是初弦夜秋當欲暮陰  
蛩聲寒咽雨流入短長吟

投宿淨居菴

幽意率吾真秋光處處新  
亂山行不盡流水坐相親  
夢屬初中夜燈然最後身  
石床重覺起松月冷依人

如愚

冬日潯陽道中

殘冬人在路朔氣重愁顏落日下寒郭亂雲生晚山短  
松懸獵網高岸護漁關試問同行客匡廬何處還

春日龍潭菴對雨

苔蘚空門外烟蘿夾徑陰春流一澗急寒雨數峰深鳥  
倦還山翼雲遲過客心望中燈火起人語出遙岑

舟行雜詩

望去金山小行來足練新應聲潭上樹照影水中人雙  
逝鳥歸岸孤鳴鶴下濱窮年依旅食何日是通津

道敷

江上憶山居

忍置一茅舍空閒  
叢竹傍隈歸  
憎月閨乞夢  
願更長草  
合深埋徑苔  
知自過牆還  
憐挂瓢樹到日  
葉俱黃

移住中州二首

郭外故人屋茅簷  
即水涯遠灘  
通鷺渚近徑  
借農家移  
樹惜陰薄  
開籬當月斜  
便知循乞處  
村路不妨賒

漫須論住後  
只擬到來初  
樹凍花從裏  
煙寒柳任疎  
飯

因飢鳥施偈為老農書盡慕居窮谷深村可不如

題元朗水亭

微徑樹邊入亭偏池水涯即能鍾野趣兼亦占鷗沙晚  
色湖生月秋香荇作花竹扉分夜火只為釣魚槎

落紅

開亦未幾日忽驚紅亂飛生憎風底急猶賴燕銜歸隨  
水意何限過牆力漸微雖含零落感曾憶在芳菲

月下聞蟬

林葉淨堪數山蟬吟未休今宵且起月明日恐驚秋咽  
露忽沉樹因風旋入樓念能枯得盡總是不關愁

天遂

雨中懷黃葉老人

不斷黃梅雨知師反得閒孤眠聽鳴溜孰謂非深山苔  
色漸逾檻溪光欲浸闌爨煙厭空寂一去便忘還

西山道中

懸壁杖難容盤旋青萬重到來深竹院行盡數聲鐘濕

挂雪邊雪雲圖峰外峰此中皆靜者日暮不相逢

海旭

遊趙氏洲居

小港慳通棹行知經幾灘  
敗荷還立雪寒水不生瀾  
埽石容苔瘦栽松待鶴安  
梅花如有月借我一宵看

宿甘露菴

舟出太湖險語溪投暮鐘  
聽風多在竹看月不離松  
柝護城三里雞鳴村一重  
長安明日路霜草滑歸鈴



圖映

山中懷萍菴師

高竹過於木溪分兩岸陰看流成獨影得句只孤吟詩  
草荒誰理心蓬亂日深懷人秋水寺寂莫此山林

舟行懷竹浪師弟

遠水明於練前舟如鑿空白雲鴻爪外紅樹綠絲中禪  
詠知兼勝行藏孰與同去年留此月常共泛溪東

春日過金沖垣滌煩塢

踏步春路遲柳倒却如眉因入竹間室閒吟壁上詩護  
花常換土割水甃通池延賞欲終日滌煩茗苦時

照源

題指月菴

短扉將綠掩小徑倚村斜老樹借藤葉新桐布屋花漁  
歌傳外港鷗夢立前沙靜者離言象門題指月家

慧秀

仙巖山居三首

茅屋青巖半雲來路已迷樹深松鼠競花暗竹鷄啼絕  
壁吹寒瀑空潭飲素霓日斜山影裏樵語下前谿

日出蒼煙盡千山入望新風流臨水樹雲逆過橋人花  
竹殊無恙茅茨未有鄰頽然自終古不是學逃秦

誰家深竹裏當檻即鳴湍人語入雲盡峰陰到水寒草  
香娛鹿性藤老學龍蟠步履渾忘遠茲山不厭看

佛引

晚晴寄空波空明休遠

前村收薄靄舍外雨新晴竹鼠爭枝墜檐烏得食鳴峰  
開餘日氣水咽過灘聲芋熟沙田早連朝憶友生

圓復

山中

槲葉縫衣翠松花作飯香全生無長物卒歲有餘糧觀  
瀑衣忘濕緣流路轉長偶然逢怪石趺坐一林霜

贈別華頂老僧

老宿清無侶名山住有年鬚留三寸雪衲挂半窓煙破

屋眠秋雨孤鐺煮夜泉相逢笑相別紅葉滿霜天

贈無生祝髮

薙染酬初願皈依向大乘夙傳人似玉新納戒如冰香鉢分甘露田衣挂紫藤從今翠微裏添箇白雲僧

廣印

登毛公壇

黃屋辭仙闕玄門向北開驅雞何處去跨鶴幾時來殘雪窺丹井清霜肅古臺寒煙紆縹緲一望一徘徊

暮登鮑侍御園亭

轉過斜橋峽林疎見草堂松濤翻水浪花雨雜天香歸  
鳥雲千樹幽人月半牀凭闌憶明遠露下生微涼

廣潤

晚泊南岸有懷吳允兆茅孝若客燕中

孤棹倚江濱魚梁浦樹分北書曾未達南雁最先聞碧  
海寒生月空山夜出雲不堪三徑遠何以慰離羣

黎嶺曉行懷范東生

咽石寒流細沾裳白露多疎林生曉籟片月偃秋河肅肅征人語勞勞牧子歌因思巖穴者高日卧松蘿

秋雁

隨陽來朔漠刷羽汎瀟湘只恐音書斷寧辭道路長塞雲迷遠陣江月引疎行到處多矰繳休言足稻粱

賦得春園美人

曉日新妝竟盈盈度曲梁露裙沾蝶粉風佩雜鶯簧暗淚將花落春心見柳傷影池雙黛淺似憶畫眉郎

蕪湖道中

江明分采石柳暗夾橫塘驟雨菱茨亂輕風禾黍香秋  
聲催雁鷺暝色下牛羊遠道人烟少偏令游子傷

春閨次汪仲嘉韻

曉鏡掩芳奩晴絲罥畫檐鉛華久不御眉黛若為纖南  
陌鶯啼樹東風花入簾緒長書素短續以舊時縑

行志

吳江道中與陸叔度並載晚至鷺脰湖別



斜日松陵道扁舟共汝還不期初握手旋復動離顏  
水積猶餘岸雲多莫辨山宵來分寢處宛在浹沙間

如觀

春日胡孝轅過崇福菴

肩輿人病足村路邈何長獨步入深院老梅生暗香  
霞飛山欲暝風急蝶猶狂相送虎谿外悠然忘夕陽

道衡

鑿徑

茆菴將已就取徑透柴門漸剔汙泥淨平添怪石蹲雪  
埋留虎跡雨過長苔痕讓竹微成曲還驚古道存

宗乘

新冬

荒齋草盡腓薄冷暗微微上卷新秋句加身舊葛衣窓  
疎留墮葉檐淺戀殘暉來往殊相絕都忘舉似機

閒居

落葉積深巷閉門無客敲閒雲過石面爭雀墮籬垣障

眼書難廢看心日易拋青青數竿竹應不厭窮交

月下樹影同石城賦

了不異真樹枝枝生自空下檐雲轉影搖壁野過風淡  
極如煙外歆多似水中閒人古來少心喻幸君同

海岱

丁卯歲歸仰天塢故山二首

松小已逾嶺不歸應偶然久窺飛鳥意難定白雲天夜  
磬答孤語秋花照短眠清光紛委壑寒重草堂前

萍逢江漢上曾似此林居引水涵雲竇編花護草廬雨  
香孤徑竹風冷半畦蔬曾侍山中石還開案上書

實印

月夜送弱翁

山客復何去柴門故夜開月寒醒鳥夢松影誤溪苔水  
上孤舟解林端一磬來知君非遠別相送亦徘徊  
同說今過竹忘齋中

鐘聲如一寺林影望還分徑轉塔纔見軒開溪共間相

過成晚步分坐見秋雲詩卷娛禪暇晴窓花氣熏

妙巖

雨歇

林畔低煙豁斜光草露輕虛窓停薄暑獨坐擁餘清雲  
去漸無影泉來自有聲起看江上夜新月白微生

新寒

露氣逼衾枕早窓寒已生客心驚歲晚物色過秋清羣  
木連朝脫空山竟日晴宵砧方未歇處處寄衣情

際瞻

水寺

孤寺水中起淨心  
宛在虛鐘邊雲易濕  
松外地無餘幢影  
魚窺熟梵音風定  
初入秋看月上清  
切復何如

源際

偶題竹上

冷翠何冥密幽尋  
獨坐時扉開流水  
過風靜到雲遲嬾  
性知終棄虛心幸  
自持偶然吟未穩  
清響動高枝

如曉

山居

挂鉢初為客巖前別是春梅殘窓影亂草發砌痕新日出偶無事雲來如有人長歌深竹裏不記住山貧

本成

早行

木葉隋寒溪軒窓月已西客心驚吠犬茅店乍鳴鷄漸覺人煙動相看馬力齊霜華前路滑不住亂鴉啼

實訥

送燕

晚稻花香處西風送爾歸路長誰是主社遠漸無依故  
壘殘煙斷虛檐落葉稀春來芳草遍莫忘舊柴扉

懷葛震父

虎峰言別後懶與慢相兼已過探梅約翻因病酒淹孤  
煙生石突飢雀下茅檐昨夜林中雪看山一卷簾

海明



別石車禪師

欲別難為別  
西林落月銜  
且飛千里雪  
聊挂一風帆  
草引石梁屐  
花飛金粟巖  
浮雲本無着  
何處尺書緘

通發

再過永慶寺

山涌孤城外  
舟行一水前  
落花柔櫓撥  
斜日斷橋連  
丈室依林住  
雙扉倚竹偏  
再來情不厭  
知是主人賢

讀徹

將游黃山留別友人

孤舟明日發再宿皎公房莫惜通宵坐懸知此別長草  
花黏露重山色入春黃遙指丹臺月心期一片霜

再至崇川

地盡應臨海天寒欲授衣月隨秋水上人共夜潮歸一  
犬無聊吠羣鷗自息機橋頭燈火裏猶記舊僧扉

自吳門之雲間

春雨夜淹淹春波幾尺添背花搖短櫓礙柳揭高簾三

兩家村落一行書酒帘華亭看不遠的的九螺尖  
葑門化城菴留別社中諸友

相送了無意臨歧忽黯然回看吳苑樹獨上秣陵船春  
老還山路江昏欲暮天白鷗休避我拍拍碧波圓

送朗癯入匡山

獨向匡廬去安禪第幾重九江黃葉寺五老白雲峰落  
日啼蒼兕飛泉挂玉龍憑將歲寒意先報虎溪松

藕花社僧

山居

滄海歸來日，貪看麋鹿羣。  
窓虛含遠嶂，屋破補重雲。  
夕鳥吟邊過，春蔬雨後分。  
不須憐闌寂，清梵隔山聞。

安福郡主

柳眼

一段風流態，青青獨可親。  
沿隄看去客，隔水望歸人。  
滴露如蟲泣，含煙似顰顰。  
半開還半合，窺盡滿江春。

陳懿德

春草

無人種春草隨意發芳叢綠遍郊原外青回遠近中  
羃煙粘落絮和雨襯殘紅不解王孫去淒淒對晚風

朱妙端

客中偶成

異鄉久為客風雨阻歸程兩岸數峰碧孤舟一羽輕  
篷窓殘燭在煙樹早鴉鳴坐待東方曙依稀見海城

馬間卿

苦雨

終日雨翻盆愁人欲斷魂  
嶺雲生屋角野水沒籬根  
楊柳深藏徑梨花靜掩門  
聲聲偏入耳寂寞自朝昏

毛鈺龍

鏡

樣出秦宮製團團寶月迴  
虛空開物像心迹遠塵埃  
影覆香羅帕光生碧玉臺  
繡囊鴛鳥並珍重嫁時裁

楊文儷

秋日懷親

玉露沾花濕金風入幕涼  
天連秋水碧山帶晚煙蒼  
撫景嗟時序懷親憶故鄉  
倚闌凝佇久心逐雁南翔

姜氏

寄文學山居

何必入山深居然似漢陰  
雨殘雲在竹野曠日平林  
負郭多幽事為農長道心  
芸窓開卷罷多是聽鳴琴

桑貞白

秋日村居

素節金風度商聲應律初碧霞浮遠漢黃葉覆閒居籬  
下霜催菊天邊雁作書小窓蛩語切明月照窓疎

董少玉

雨望

睡起凭闌望殘雲晚較多雨刪花織錦風熨草鋪羅嫩  
篠平穿閣垂楊半近河蕩舟儂豈敢莫唱采蓮歌

題西施浣紗圖



白石澄流水春來坐浣紗青陽愁隱鳳玄髮亂飛鴉倚  
玉渾無色傳神賴有花蛾眉如淡掃不在野人家

塞上晚春憶家

新草滿長隄思鄉望月遲露桃深中酒煙柳淡塗眉秋  
塞闌難掩春江棹可移此身同越鳥夜夜想南枝

送別

飛盡楊花別相看不自由征人望絕塞少婦倚空樓易  
換春前色難聽角裏愁無情江上水日日送行舟

周潔

晚晴

久雨愁無極，斜陽喜乍開。  
樹披殘靄出，山挾斷雲來。  
的歷穿花徑，逶迤過渚臺。  
更須林月上，清賞一追陪。

立秋

白帝巖金駕，乘風下紫微。  
德惟宣湛露，令即屏炎暉。  
乍警青梧落，將催赤雁飛。  
何須賦團扇，恩顧似君稀。

全少光

暮春即事

經時渾暖候映日有青枝  
花落蜂猶戀春歸草不知  
竹苞仍个个柳線亦絲絲  
獨憶深閨裏柔風入暮時

袁九淑

春日齋居雜書二首

妝成出幽閣芳徑寂無譁  
林潤涵朝雨窓明帶曙霞  
鶴棲醒酒石鳥啄睡香花  
長笑耶谿女春風自浣紗  
雨過小池綠苔生白板  
扉玄言深玉塵幽思託金徽  
遠

笛兼鶯語飛花趁燕歸相看貧亦好安用泣牛衣

袁彤芳

九日

玉露泣秋草金風彫晚渠白衣三徑少黃菊一籬疎病  
減登高興愁無寄遠書遙知二三子相向正愁余

徐小淑

寄懷趙四夫人

濕雨隴煙暗淒其故國心烏歸千嶂寂花散一簾陰門

靜時閒折亭閒不厭砧美人秋色裏望斷五湖深

贈滿妹

少小貯蘭房蛾蛾拂曉妝  
髻鬟輕約素眉黛巧安黃  
寶鴨晨香滿雕簷夕月光  
梁園正花發誰共理明璫

詠美人雨中觀荷

風破荷陰亂清流照淺妝  
暗香籠彩袖疎雨拂紅裳  
葉共羅裙碧花分膩頰芳  
盈盈重回首莫悞逗秋光

王氏

仲春見雪

二月春將半同雲黯九霄  
玉河迷斷岸宮柳折新條  
萬里靡蕪沒三山鴻雁遙  
隴梅何處是素影謾空飄

聞雁

嘹唳南征雁清宵枕上聞  
隨陽離絕塞連夜度層雲  
月土驚看影風高慮失羣  
尺書相珍重辛苦敢煩君

陸卿子

山居即事

披榛越宿莽背郭隱花蹊月靜妖狐泣松深怪鳥啼秋  
山雲照戶春澗水穿堤飛作千尋瀑家家引灌畦

項蘭貞

雒城聞雁

明月照蒼苔橫空一雁來影翻飛葉隨聲帶晚風迴塞  
北征人思閨中少婦哀江南別業在叢桂幾枝開

秋夜憶家

一夕秋風至天空雁忽來露溥階下草月落掌中杯故

國書難到他鄉客未回坐憐砧杵急寒柝又相催

吳令儀

遣懷

幾樹孤村外空船倚暮雲風來衰草色日蕩去潮紋羣  
雁江邊語淒猿雨後聞無端鈎月小人影各單分

方孟式

寄任夫人

可怪睽違日相思幾換年故園芳草合南國美人偏生



死交難見悲歡意莫宣祇應三五夜明月共君圓

秋興

西風傷往事笑此客中身  
葉落蒼煙斷花開黃菊新  
天涯蓬鬢短邊徼羽書頻  
蟋蟀知秋意階前鳴向人

美人梳頭

深院小桃叢紗窓春色籠  
鳳釵橫上下鸞鏡舞雌雄  
秋水凝波淥湘雲翦袖紅  
錦屏嬌欲倚不語向東風

寄嬾母

園林星聚日歡意露華初別後鶯聲老秋來雁字疎獨  
傷千里月空慰萬金書異地江風冷蕭蕭到玉除

舟雨

水天凝一色野漲隔林溶蘭棹排驚浪漁蓑釣晚鐘刀  
環流隻影木葉淡秋容雲掩荒村小山頭潑墨濃

待月

遲月淡籠煙期人較可憐荷風疎雨後螢火亂星前烏  
鵲殘生影梧桐隱半絃因之默坐久花上月娟娟

病中思歸

嵐氣爐煙合疎燈影素移愁生零雨夜病值落花時夢裏鄉音近天邊雁字遲牀頭閒月色心事薄光知

屈氏安人

述懷

浙浙北風起蕭蕭木葉稀寒花愁更發鴻雁獨南飛秋老商山裏天長渭水西思歸歸未得悵望淚沾衣

方維儀

憶金陵諸姊

昨歲長千里今宵寓楚城漢宮彈一曲幕府護千兵花  
發留春意人傷遠別情可憐枝上月長在子規聲

獨坐

僻境無人至清芬閣獨居梁間新燕去牆外老槐疎風  
韻笛聲遠花殘月影餘編摩情未厭坐卧一牀書

獨歸故閣思母太恭人

故里何須問干戈擾不休家貧空作計賦重轉添愁遠

樹蒼山古荒田白水秋蕭條離膝下欲望淚先流

方維則

題竹

小院何空寂相依獨此君雪深愁易折風急不堪聞  
白石移花影青苔擁籀文樓頭明月上空翠落紛紛

沈宜修

感秋

月向中天迴人驚秋暮悲玄霜初落後客夢未歸時縹

紉三秋雁蕭條兩鬢絲空餘舊簫管愁對月明吹

張德蕙

中秋

秋氣中天淨愁人獨夜看停撓江愈濶却扇月初寒霜  
入桐陰薄風飄桂影殘扣舷情未已露濕綺羅單

黃修娟

邨居即事

寂寂村居晚迢迢旅雁稀煙花迷曲徑山月澹清輝黃

菊經霜淨秋尊帶雨肥夜深寒漏徹漁火逐星歸

項佩

夫子書屋落成闌干皆用卍字遂名曰卍齋屬  
賦四十字

夫子愛奇字迴闌繚繞之一時齊作卍三點不成六樹  
色春浮並齋居繡佛宜定知人載酒送喜有芻尼

盛韞貞

邨居雜感三首

錄二首

自我來茲地重門曉夜扃蕭條門外柳幾度向人青  
采蕨懷商土占時望歲星但能安病骨不必問池亭

蓬徑無人迹春廚斷暮煙稻粱謀自拙僕隸義相捐  
薄俗終難入幽棲性自便尺書兼斗粟慙愧主人賢

錢敬叔

泊浦子口

殘年孤櫂泊近浦驗歸程雪浦芹芽白江醪竹葉青  
夕陽新別路衰草古離情隔岸寒山色含悽望舊京



李因

郊居用松陵集韻

避世牆東住牽船岸上居  
雨分三徑竹晴曝一牀書  
上坂驅黃犢臨淵網白魚  
衡門榛草遍長者莫停車

馬守真

愴別

病骨淹長晝王生曾見憐  
時時對蘭竹夜夜集詩篇  
寒雨三江信秋風一夜眠  
深閨無箇事終日望歸船

鸚鵡

永日看鸚鵡金籠寄此生  
翠翎工刷羽朱喙善含聲  
隴樹魂應斷吳音教乍成  
雪衣吾惜汝長此伴閨情

郝文珠

別孫子真

江左多名彥惟君獨擅奇  
興公山入賦摩詰畫兼詩  
地憶重游處人憐再晤時  
分攜且莫恨千載託心期

鄭如英

雨中送期蓮生

執手難分處前車問板橋愁從風雨長魂向別離銷客  
路雲兼樹妝樓暮與朝心旌誰復問幽夢任搖搖

景翩翩

五日汎舟得男字

浴罷試冰蠶重扶碧玉簪操舟臨雒水作賦弔湘潭曲  
誤郎應顧盧回客自酣此時論黛色誰復鬪宜男

馬如玉

飲雨花臺賦得落葉

登眺臺千尺論心酒一尊青霜侵樹杪丹葉舞江村  
逐浪同浮梗隨風欲斷魂榮枯何足歎此日幸歸根

燭花

銀燭透簾櫳蘭房瑞色融丹葩應妬月紫燼却愁風  
林映珠還浦光流星度空無香辜戀蝶有燄引飛蟲

張回

帆影

勞勞亭次別無計共君歸一葉隨風去孤帆挾浪飛目  
窮河鳥亂望斷浦雲非只在天涯畔傷心隔翠微

羽孺

柳

草閣疎林迴簷前遶綠楊章臺憐御苑灞岸惜他鄉繫  
馬青春晚藏烏子夜長玉闌頻折贈離思斷人腸

周文

游韜光菴與沈千秋分韻作

轉徑白雲近回風清磬殘霜花欺客眼江雁怯秋翰片  
石泉聲細千峰日影寒煙深鳥不語歸路已漫漫

秋日汎舟懷友

臨風思永夕極目感深秋月落應同照溪陰故獨流鳥  
啼清露下雁過薄寒收衰草猶如岸空依此夜舟

夏日和友人見贈并謝蘭膏名酒

睡起獨憐人吟詩感歎頻蠶眠知入夏溪漲覺餘春搔  
首慙膏沐停觴憶飲醇簾葭餘一水何處問通津

題徧碧苔牋吟殘渌水篇  
流霞穿樹出明月隔溪懸  
乍聽聲聲笛還逢汎汎船  
琴心誰共識山水自相憐

呼文如

別後舟中風雨却寄

不堪風雨夕憔悴在孤舟  
淚與波聲濕燈縈暝色秋  
夢猶疑赤壁目已斷黃州  
此際君知否湘靈自可求

王微

夾山漾別陳仲醇

金  
夾山寒水落木葉下紛紛斜日已難別扁舟況送君瑤  
華一以折零露不堪聞為我題紈扇新詩寄白雲

近秋懷宛叔

已覺江聲外秋情入暮蟬竹光留黯淡桐影漸孤圓啼  
鳥當清夜疎砧隔遠天一燈羈客夢難到石城邊

天柱峰

太乙吹爐處依然刻帝青千峰抱鬚髯五石鍊真形忉  
利移金時神霄墮碧鈴仙衣如可拂投杖出空冥



雪夜小泛

北風吹夜雪聽只在菰蘆但惜湖山冷何妨野艇孤灘  
聲疎落雁鬼火怯啼烏欲寫梅花影敲冰硯未枯

閒居

不妨昨日雨可喜是新晴窓暝從雲宿庭虛待月行聞  
真難適俗靜乃合詩情冬候常如此將愁何處生

春夜留別

朝朝還夕夕春與夢中看月有痕知怨花無言欲殘羈

魂游處怯醉影別時寒一水何曾隔其如去住難

楊宛

促梅

風期今歲阻幽抱竟難開幹弱猶含凍枝繁幾暗猜未  
能傳信去那得逗香來自恨春相避羞憑羌笛催

詠閣前柳

初春無限意況復近妝樓不舞時如醉參差亂若愁風  
流費管束綽約自難儔腸斷重門裏花飛逐浪浮

病起

是事與心違  
經旬未啟扉  
閒花隨逝水  
弱柳蕩晴暉  
燕子差簾箔  
魚兒長釣磯  
年年當此際  
病起怯春衣

渭臺漁父

喜艾純卿至

何日離青海  
春過北斗城  
亟須譚間闊  
深足慰交情  
雨雪辭關塞  
風塵送客程  
投荒君最苦  
早有二毛生

天目游人

宿重雲菴

煙蘿一徑通宴坐白雲中樹影晴浮水秋聲半在空疎  
鐘山際月高枕竹邊風竟夕渾無寐清談對遠公

無名氏

題石鏡寺

見潼川碑

昔日朱輪守經過釋子家柱間留墨蹟泉下隔年華雲  
去空雕檻風來卷白沙江山誰似畫每到動吁嗟

崖老

詩

乍下人間世何須問姓名翩翩臨水影  
宵宵步虛聲恣  
草黃庭帖還調碧玉笙江南美風物  
九月采純莖

鄭夢周

聞雁

行旅忽聞雁仰看天宇清數聲和月落  
一點入雲橫錦  
字回燕塞新愁滿洛城疎燈孤館夜  
何限故園情

旅懷

水國春光動天涯客未行草連千里綠月共故鄉明游  
說黃金盡思歸白髮生男兒四方志不獨為功名

李檣

早行

凌晨問前路曉色未全分帶月馬頭夢隔林人語聞樹  
平連野霧風細繞溪雲異國堪愁絕南天無雁羣

朴厚亨

登漢江樓次張黃門韻二首

遠岫橫如黛芳郊綠漸平歸鴉翻夕照啼鳥弄春晴暫  
得新知樂還教別恨生關山逾萬里何處望燕京  
春光方浩蕩嵐翠轉霏微雪浪搖歌扇汀蘭襲舞衣素  
鱗時潑潑輕燕已飛飛景物看如此從教緩緩歸

申叔舟

次韻登漢江樓

綺席登樓迴春江碧玉流早梅香澗曲芳草滿汀洲賓  
主歡情洽江山喜氣浮良辰須酩酊莫惜更遲留

權擘

登漢江樓二首

南樓初縱目檻外俯長流  
雪盡落梅塢春深芳草洲  
湖光晴濫濫山氣暖浮浮  
使節陪登眺斜陽更挽留

城南一樽酒相對暮山青  
小艇橫前渡孤帆落遠汀  
江雲連復斷主客醉還醒  
落筆龍蛇動高懷入窈冥

尹子雲

登漢江樓次韻三首



高軒時暫駐勝地許相招詩律吟邊改愁懷醉後銷汀  
花經雨動岸柳受風搖忽起中流興春心付短橈

何處窮遐矚丹梯近百層陽坡先有草陰壑已無冰美  
景時相引風懷晚尚仍欲成賓主好觴詠正堪憑

風光觸處好春氣望中微山淨濃如畫江深綠染衣夢  
隨蝴蝶亂心逐野雲飛人世難開口惟須倒載歸

李克堪

登漢江樓次韻

遲日晴方好和風暖更微山陰追禊事沂上換春衣劇  
飲金卮滿清談玉屑飛牆頭輕燕舞有意腦人歸

許琮

登浮碧樓次韻

渚草平如翦江雲濕不飛餘霞飄綺席新浪濺苔磯古  
寺蘿垂壁漁家水浸扉眼前多少景惆悵客將歸

李衍

開城館次董圭峰韻

行行縣道路日日困風沙去壑悲流水投林羨暮鴉窮  
冬催暖律宿草欲新芽更憶吾廬好寒梅幾樹花

過臨津江

臨津催早發問渡即清江緩擊中流楫徐牽水上艤寒  
魚依石竇曉日照蓬窓有客忘機坐飛來白鳥雙

蘇世讓

漢江陪宴

斷徑緣崖轉高樓面水開杯盤供宴賞歌鼓殷晴雷沙

遠迷煙樹潮迴沒釣臺江山如許勝應為使星來

金安老

望遠亭次韻

幽興牽人惱遊蹄豈惜遙殘雲橫浦口飛鷺割山腰江  
穩開輕纜潮生沒斷橋異鄉歸思促心趁紫宸朝

尹仁鏡

太平館次韻

紅惜花飄岸青憐柳拂橋江風吹颯颯篷雨打蕭蕭簾

卷樓橫笛山空谷響樵雙旌拚賞去回首海天遙

黃琦

開城

白駒難自繫青眼更離筵江海相忘處煙波欲暮天落  
花飄醉袖芳草入吟鞭翰墨真餘事功名正妙年

魚無迹

逢雪

馬上逢飛雪孤城欲閉時漸能消酒力渾欲凍吟髭落

日無留景棲禽不定枝  
灞橋驢背興吾與故人期

李潔

泛臨津江

臨津傳勝事駐節是仙舟  
煙幕沙邊樹風迴水面鷗  
笑談情不淺詩酒興難收  
絕域萍蓬會無忘此日遊

許筠

陪吳參軍子魚登義城

迴野垂天末長江接海流  
雨餘多牧笛風急少行舟  
一

鶚穿雲去雙鳬就渚浮相憐無限思空倚仲宣樓

林悌

中和塗中

羸驂馱倦客日暮發黃州可惜踏青節未登浮碧樓佳  
人金縷曲江水木蘭舟寂寂生陽館孤燈夜似秋

白光勲

縣津夜泊

旅泊依津口重遊屬暮年鐘聲隔岸寺人語渡湖船月

上蒹葭遠燈橫島嶼連夜深風更急落雁不成眠

權輿

清明

淑氣催花信輕黃著柳絲人煙寒食後鳥語晚晴時老  
去還多事春來嬾賦詩京華十年夢惆悵只心知

金宗直

佛國寺

為訪招提境松間紫翠重青山半邊雨落日上方鐘語



與居僧軟杯隨古意濃頽然一榻上相對鬢髻鬆

洛師浪客

安定館北驛

四月關門路風沙氣慘悽河邊春雁盡林外曉鶯啼去  
國魂長往思家意轉迷羸驂經左道今日向安西

無名氏

夜泊大灘

夜纜泊灘下水邨霜氣凝枯查拾沙渚爨火乞漁燈病

客孤舟夢寒江十月冰辭家今幾日黃帽是親朋

成氏

書懷叔孫兄弟

事隨流水遠愁逐曉春生野色開煙綠山光過雨明簾  
前雙燕語林外數鶯聲獨坐無多興傷心妝不成

俞汝舟妻

別贈

恨別逾三歲衣裘獨禦冬秋風吹短鬢寒鏡入衰容旅

夢風塵際離愁闕塞重徘徊思遠近流歎滿房櫳

趙瑗妻李氏

歸來亭

解紱歸來早亭開一水分溪山知有主鷗鷺得為羣秫  
熟先充釀心閒欲化雲菟裘終老地非是傲徵君

許景樊

寄女伴

結廬臨古道日見大江流鏡匣鸞將老園花蝶已秋寒

山新過雁暮雨獨歸舟寂莫窓紗掩那堪憶舊游

噫哩嘛哈

答明高帝問日本風俗

國比中原國人同上古人衣冠唐制度禮樂漢君臣銀  
甕斚新酒金刀鱠錦鱗年年二三月桃李一般春

天祥

寄南珍

上人居處僻心與石泉清道在從違俗身閒不用名空

階松子落雨徑蘚花生怪得稀相見年來懶到城

題龍關水樓

此樓登眺好終日俯平湖葉盡村村樹花殘岸岸蘆漁  
翁晴獨釣沙鳥晚相呼何處微鐘在雲藏島寺孤

次韻惟心見寄

世間無住著林下且棲遲映戶幽花發侵階亂竹垂老  
年銷記性餘習未忘詩此意難為說西峰道者知

贈李生

異域無親友孤懷苦別離雨中春盡日湖外客歸時  
花落青山路鶯啼綠樹枝從今分手後兩地可相思

送僧歸重慶

東西千萬里來去一身輕  
碧鳳山前別黃梅雨裏行  
江長巴子國地入夜郎城  
昔我經過處因君動遠情

機先

寄仲翔外史

天涯又索居歲晏近何如  
遠水蒼茫外空山寂莫餘  
老


逢諸事嬾病覺故交疎想見多閒暇應修輔教書

送別

天書召賈生匹馬出滇城白首相逢處青雲送別情山  
經巫峽盡水到楚江平好獻治安策殷勤答聖明

御選明詩卷六十七





總校官庶吉士 臣侍朝

校對官檢討 臣蕭九成

謄錄舉人 臣傅瓌芳

欽定四庫全書薈要

集部

御選明詩卷六十八

欽定四庫全書薈要卷一萬八千五百六十八

集部

御選明詩卷六十八

七言律詩一

劉基

冬暖

今年南國天氣暖十月赤城桃有花江楓未肯換故色  
汀草強欲抽新芽野畦落日舞殘蜨小池過雨喧鳴蛙  
城上幾時罷擊柝愁見海雲蒸晚霞

夏日雜興四首

錄二首

層樓迢遞俯清郊，天際羣山檻外交。  
日暖水禽鳴哺子，風輕沙燕語尋巢。  
綠荷雨洗藏龜葉，翠竹煙寒集鳳梢。  
可嘆仲宣歸未得，苦吟終日倚衡茅。

菱葉荷花漸滿池，紅榴綠篠正相宜。  
天邊日出園葵覺，地底雲生柱礎知。  
長夏未應炎暑過，薄寒恰似晚秋時。  
朝來苦怪雙青鬢，輒向風前學素絲。

夏日訪王友文留飲贈詩

長日園林白晝閒  
高軒留客雨漫山  
傾壺竹葉沈沈綠  
落樹楊梅顆顆殷  
檻外新荷搖水佩  
簷前弱柳舞風鬟  
醉來帶月浮舟去  
忘却塵埃世路艱

送李子庚之金陵

舍下微波湧碧鱗  
湖邊草色可憐人  
也知使者徵書急  
莫厭舟輕出郭頻  
春酒盈缸清似水  
時魚帶子白于銀  
山桃野杏能紅紫  
醉眼相看意自真

發紹興至蕭山

落日牛羊下綠坡微風短櫂拂晴莎窮愁白髮真相得  
悲感青春最苦多水暖菰蒲沙鷀集月明洲渚榜人歌  
此時忽漫思身世奈爾桃花滿眼何

二月七日夜泊許村遇雨

漫喜晴天出北門還愁急雨送黃昏山風度水喧林麓  
野樹翻雲動石根宿麥已隨江草爛新泉休共井泥渾  
魚龍浩漫滄溟濶澤畔誰招楚客魂

感懷

新晴楊柳散春絲  
長路行人有所思  
愁上容顏青鏡識  
寒生亭館落花知  
高雲送雨來無定  
獨鳥驚風去自遲  
悶對庭前紫荊樹  
同根那得却相離

水西寺東樓曉起聞鶯

日上高城柳影齊  
風軒臨水看鶯啼  
初來木杪鳴相應  
稍入花間聽却迷  
芳草自深勾踐國  
行人猶隔禦兒溪  
思家每恨無輕翼  
可對鶯花不惜悽

茶園別朱伯言郭公葵

細水吹煙送客舟，離情恰似水東流。  
此時對酒難為樂，何處尋春可縱遊。  
去雨來雲天渺渺，輕蜂亂蝶日悠悠。  
絕憐短髮無聊賴，一夜如絲白滿頭。

蕭山山行

積雨今朝天氣佳，山亭曉色上林花。  
未須汗漫思身世，且可逍遙翫物華。  
偶值斷橋妨去路，却隨修竹到鄰家。  
籬邊野鴨驚人過，撥刺飛鳴落遠沙。

題水墨蓼花草蟲



為愛江頭紅蓼花秋來獨作草蟲家  
尋香粉蝶應隨夢采蜜黃蜂不趁衙  
絡緯語殘涼露滴蜻蜓立困晚風斜  
畫圖水墨驚初見却似扁舟過赤沙

次韻和新羅嚴上人秋日見寄

負郭無田生事疎微官已謝不須除  
散愁漫入高僧舍乘興還過野老居  
草冷蟲聲悲杼柚霜餘蕉葉碎緘書  
黃花素髮相將暮獨立淒涼憶往初

愛汝精藍抱翠微青松綠竹共依依  
龜臺落日明霞綺

鰻井寒潮長石衣銀杏子成邊雁到木犀花發野鶯飛  
鐘殘永夜禪心定一任秋蟲促杼機

重用韻答嚴上人

坐見風霜百草疎却憐光景漸消除萍蓬飄蕩三年客  
松菊荒涼五畝居陋巷蒼苔封蟻垤空庭黃葉帶蟲書  
江楓恰似知人意強學芳菲二月初

江水東流西日微閒身不繫獨何依塵埃夾颯枯蓬鬢  
霜露淒涼破衲衣百粵雨餘山翠合三韓雲淨海青飛

滄溟自古通天漢夢遶黃姑織女機

宿賈性之市隱

今年冬雨不作雪屋頭鳥聲渾似春絕憐草色綠鋪地  
可愛梅花白照人時物已迎新歲換交情空向異鄉親  
忽思昨夜殘燈裏錯認還家夢是真

丙申歲十月還鄉作

小舟衝雨清溪上雨密溪深宿霧昏游子到家無舊物  
故人留客歎空尊荒畦蔓草纏蒿草落日青猿叫白猿

語罷不須還秉燭耳聞目見總銷魂

次韻舒穆魯公元夜之作

八表流雲澄夜色九霄華月動春城  
條風細細吹旗影香靄微微引漏聲  
河漢虹橋應斷絕滄溟鼇足漫崢嶸  
愁來更聽漁陽操獨倚闌干坐到明

題煙波汎舟圖

舊遊憶鼓相湖棹日淨風微江練平  
小艇曲穿花底出游魚相伴鏡中行  
別來漫想心徒切畫裏重看眼亦明

素石蒼松是何處願從巢父濯冠纓

秋夕

栢葉蕭疎柳葉黃露華如玉綴空廊丹心欲共燈花結  
白髮偏隨漏水長月色故園同窈窕蟲聲此夜獨淒涼  
寒鴉莫更啼金井衰病能堪幾斷腸

贈西巖道元和尚

西巖寺裏雲巢子不到人間幾十年杖錫野猿迎路側  
談經山鬼立燈前塵飛劫火青春夢雪滿長松白日眠

近得淵明入蓮社興來時復有詩篇

侍宴鍾山應制

清和天氣雨晴時翠麥黃花夾路岐  
萬里玉關馳露布  
九霄金闕絢雲旗  
龍文騶裊驂鸞輅  
馬乳葡萄入羽巵  
衰老自慚無補報  
叨陪儀鳳侍瑤池

欣懷亭為脫因宗道賦

愛子山亭湖水中  
雜花修竹合蒙籠  
三春錦繡花迎日  
十里笙簫竹度風  
菰飯炊來勝雪白  
鯉魚釣得出波紅

浮生無事當為樂應許閒人一醉同

妙成觀用何逸林通判韻

我訪仙家溽暑前青楓綠柳暗晴川竹根露濕登山屐  
沙際鷗迎渡水船雲氣長留虛白室丹光直上蔚藍天  
純陽道士重來日為問蓬萊是那邊

為賈性之題山水圖

不見唐朝王右丞世間畫史少知名何人貌得煙嵐意  
靜聽如聞風水聲遠岫帶雲纔隱約斜陽照樹却分明

清泉素石堪乘興欲買扁舟過此生

題陸放翁湖上詩後

放浪江湖一老翁若耶溪上幾春風  
門前流水斜還直籬外閒花白復紅  
甚欲賦詩追杜子也能縱酒學陶公  
細看墨蹟成懷古歎息他鄉類斷蓬

葉叔安南溪草堂即事

溪上草堂盈十尋疎楊密竹各成陰  
綠煙繞舍桑畦靜白水當門稻遂深  
過雨忽翻金碧影涼蜩亂發管絃音



此時不省愁何在坐到鴉棲月滿林

遣興

白露如珠滴素秋啼螿絡緯寂然收煙開碧水浮天遠  
月帶銀河入海流艷艷霜林張綺纈琤琤風葉落鳴球  
此時旅客篝燈坐無奈黃昏一晌愁

雲門寺作

若耶溪頭過新雨雲門寺前芳草長好將薜荔紉衣帶  
更取辛夷結佩纓綠鬢朱顏非昔日茂林修竹是他鄉

東風且莫吹花盡遠客傷春易斷腸

宋濂

送編修張仲藻還家畢姻

少年歸娶奏金鑾喜得君王一笑看  
紅錦裁雲朝奠雁  
紫簫吹月夜乘鸞  
靈椿堂上承中饋  
寶鏡臺前結合歡  
從此梅花消息好  
青綾不似玉堂寒

送楊廉夫還吳浙

皓仙八十起商山  
喜動天顏咫尺間  
一代遼金歸宋史

百年禮樂上春官  
歸心只憶鱸魚膾  
野性豈隨鴛鴦班  
不受君王五色詔  
白衣宣至白衣還

陶安

采石晚渡

殘霞遠樹水雲中  
淮甸江鄉有路通  
沙影分開晴浪白  
櫓聲搖落夕陽紅  
風前宿鷺投疎葦  
岸上征人望短篷  
幸有蛾眉解迎客  
無勞更歎暮途窮

探梅

東君消息乍來時  
訪問江頭慰所思  
踏雪且行新霽路  
向陽應有半開枝  
遙知暖意回苔幹  
驚喜寒香度竹籬  
又恐重來花爛漫  
細看蓓蕾最相宜

姑孰溪

映帶城隅地勢雄  
昔稱重鎮大江東  
萬山中斷飛銀浪  
一曲西流卧采虹  
夾岸樓臺楊柳月  
對船燈火荻花風  
釣魚臺下鷗如雪  
我已忘機似海翁

泊吳興

屋覆長橋客艤舟  
玻瓈窟宅冷涵秋  
塔穿雲表萬松嶂  
水注城心兩岸樓  
列肆晨喧分海錯  
重簾晝捲起吳謳  
玉堂翰墨多遺跡  
安定祠前更少留

秋江雁影

西風不動楚波涼  
倒浸征鴻帶夕陽  
雲母屏間箏列柱  
水晶宮裏字成行  
紛如鵲映銀河面  
孤似鸞窺寶鏡光  
幾見蘆汀飛起處  
冷涵數點在青湘

晚渡

下馬江頭綠草生  
蒼童笑指暮潮平  
得風先送孤舟渡  
過岸將為萬里行  
宿雁隔煙沙際沒  
寒鴉帶日樹頭鳴  
多情最是津亭柳  
歲歲逢人費送迎

三湖

三澤茫茫一碧連  
白蘋風起棹歌傳  
樹頭煙浪浮沉日  
水底星河上下天  
葦長新沙留雁夢  
草腥殘箔濕蛟涎  
何當結屋瓊瑤窟  
買取臨隄二頃田

秋館書事

多年草樹未芟除，野豕山麋走傍廬。  
三五吏曹來捧牘，欹斜客枕罷觀書。  
秋江潮湧霜飛晚，暮靄鴻征月上初。  
木落風高生遠興，思歸意不在鱸魚。

贈朱允升先生

年年應召赴秦淮，此會留連百日偕。  
王室大興新制作，客窓細話舊情懷。  
未霜荷葉迎湖露，初月梅花映雪齋。  
更為相逢多勝事，御溝垂柳拂春街。

泊江州

江雲紺綠夕陽邊江水空明海氣連一點遠帆如白鳥  
數聲急鼓隔蒼煙潯陽九派疑無地廬阜千峰直造天  
清夜開尊酌司馬琵琶亭下月當船

過湖口

荆楚東疆合衆流微茫天地一浮鷗山圍古邑當湖口  
水沒平沙露樹頭處處茅茨松葉暝蕭蕭風日荻花秋  
何時訪友章江上共倚珠簾畫棟樓

王禕



次韻蕭山友人

長憶蕭然山下縣去秋為客日招邀夕陽玄度飛輪塔  
曉雨文通夢筆橋搜檢蟲魚窮爾雅詠歌草木續離騷  
舊游回首成彫謝莫遣音書似路遥

吳江客中冬至日

十年奔走竟何依轉覺謀生事事非時序每驚愁裏換  
家山長向夢中歸吳江歲晚寒波積楚塞天空鴻雁稀  
酒後登樓倍惆悵緇塵猶滿舊征衣

桐廬舟中

瀟灑溪山夢此邦輕風細雨過桐江川迴幾訝船無路  
林缺時看屋有窓野果青包垂箇箇水禽白羽去雙雙  
到家會值重陽節新釀村醅正滿缸

懷宋學士景濂

芙蓉峰下是鄉邦未許歸帆泝浙江天下文章寧有幾  
斗南人物恐無雙心期久與三乘契筆力真能九鼎扛  
投老著書渾不倦頗聞中夜坐燈窓

汪廣洋

別劉希敬

與君同理揚州棹，卧看長天入翠微。  
何事杜陵傷遠別，不如范蠡賦東歸。  
春風小店梨花發，宿雨疎林燕子飛。  
惆悵臨溪一杯酒，鑒江江上日暉暉。

廣陵懷舊

官柳陰陰鎖汴橋，暖催晴綠上蘭橈。  
花迎后土依然在，人去東風不可招。  
紫陌漸稀春試馬，青樓殊絕夜吹簫。

回看烽火連雲起應使江淹歎寂寥

過胥江寄鄭久誠參政

浦口潮來穩繫船汀花如雪草如煙幾家茅屋臨江水  
一路松風響杜鵑簾捲輕寒中酒日香焚新霽熟梅天  
少陵心事誰人識頭白相知有鄭虔

孫炎

贈黃鍊師

留侯弟子有初平九歲從師住玉京天與數書皆鳥迹

家傳一劍是龍精  
瑤池桃核無消息  
海水桑田又淺清  
我為紫芝歌一曲  
夜深相答洞簫聲

夏煜

康郎山奉旨

三軍戰罷日重輪  
好雨東來為洗塵  
絕壁秋聲清漱玉  
白沙月色爛堆銀  
氣成龍虎知王者  
兆應熊羆得老臣  
半夜內官催草檄  
燭花影裏繡衣新

蘇伯衡

陪諸公郊行

忽憶兒童唱大堤便攜僚友出金閨清溪繞郭穿魚市  
瘦馬尋芳踏燕泥酒美得辭花下醉詩成謾向竹間題  
始知游衍來應晚岸芷汀楊色已齊

張孟兼

北山草堂

草堂卜築近嶙峋怪石蒼苔跡未陳澗瀑亂鳴前嶂雨  
山花遲發半巖春每逢過客留題壁自有居僧為卜鄰

松下伏苓今已大可能謀食樂終身

危素

送張幼初之京

振衣鳴玉上青霄銀漢清秋轉斗杓北闕飛龍天杳杳  
南雲歸雁路迢迢朝登華岳風生腋夜飲灤河月入瓢  
水竹清虛好真館劉安有賦為相招

送章右丞戍廣西

文昌橋上紫騮嘶又送將軍戍廣西三省甲兵勞節制

金方口人卷六十八  
八蠻煙雨入封提，  
琯弓曉射崖雲裂。  
畫角寒吹海月低，  
已喜皇威清海岱。  
邑封上將拜金泥。

張以寧

長蘆渡江往金陵

春日三竿上翠屏，  
曉風五兩下蘆汀。  
水兼天去無邊白，  
山過江來不斷青。  
沙觜潮迴平雁跡，  
海門雨至帶龍腥。  
昇平不復後庭曲，  
睡起漁歌爛漫聽。

次李宗烈韻



倒著烏紗醉幾回  
白鷗門外莫相猜  
浮生萬古有萬古  
濁酒一杯復一杯  
棕葉響交風色異  
荳花飛滿雨聲來  
青燈獨似兒時好  
一卷遺書自闔開

坐來落葉兩三聲  
野菊開時雨滿城  
作客愁多仍歲晚  
還家夢遠易天明  
古時豪傑有遺恨  
秋日溪山無俗情  
君可歸歟吾未得  
百年懷抱向誰傾

橫陽草堂次謝疊山韻

迤邐中州二水回  
參差傑閣五雲開  
銀鉤透壁詩人去

鐵笛裂巖仙客來行度蟬風涼白恰松翻鶴露瀉清杯  
何時夜半梅花月溪上吟篷帶雪摧

秋登九江廟晚眺

黃花開後葉初霜紫蟹肥時酒滿缸羈旅已知浮世淡  
登臨未覺壯心降天垂去鳥低平楚水學驚蛇到大江  
目極孤雲鄉思亂煙波空想白鷗雙

次韻王尹夜泊獨柳

霽月中天見絳河黃流滿地漾金波荒陂野火兼漁火

短棹吳歌和楚歌去雁竟連家信杳眠鷗未識客愁多  
江南二月花如海獨負歸期奈爾何

送僧遊杭

銅駝夜濕苔花冷銀雁秋飛寶氣消曾共殘僧披舊跡  
尚憐故老話前朝衲隨猿挂雲生樹杯趁鷗還月上潮  
師去新詩如見寄白沙翠篠赤闌橋

高郵

長陂雲氣滿淮東下隱蛟龍萬仞宮湖岸樓臺連海上

水田秔稻似吳中古藤酒醒春風在壁社珠寒夜月空  
四海昇平須進酒賣魚柳畔見南翁

和劉公藝暮春有感韻

醉夢還家醒未歸起尋墜萼惜流輝靜聞白蟻如牛鬪  
閒看青蟲化蝶飛日轉漸長添篆縷雨來忽冷覓羅衣  
却思翠竹清溪路矔黑兒童候竹扉

次張祭酒虛游軒雨後即事韻並憶揚州舊遊

二首

牆角紅葵一丈開，鵲鳩聲斷雨聲來。  
風鳴竹屋詩新就，日度花磚夢恰迴。  
露蔓蝸行經午濕，風枝蟬語近秋哀。  
虛游軒裏涼如水，自玩春秋著玉杯。

百年何處好懷開，憶在揚州幾醉來。  
落日放船穿柳過，微風欹帽看花迴。  
即今盡減尊前興，憶舊寧堪笛裏哀。  
一笑廣文官飯窄，論文那得酒盈杯。

吳門懷古

曾見吳王歌舞時，遺臺廢苑不勝悲。  
春風雁唳菰蒲葉，

夜月烏啼楊柳枝有客買舟尋范蠡無人穿塚近要離  
館娃宮外繁花發游女長歌白紵詞

富陽南泊驟風雨

征夫直北厭風埃南下蒲帆此日開山遠蒼龍趨海去  
潮喧鐵馬蹴江來雲昏白日林如失風約青天雨却迴  
短髮相欺予漸老孤舟獨宿意難裁

七里下舟至鈇山州旁羅店

懷玉山前似葉舟卧看帆影晚悠悠雲飛梨嶺先南去

水匯鄱江倒北流，煙渚白花迷晚蜨。  
風林碧葉應啼鳩，去年此日隋隄柳。  
馬首青青客正愁。

寄廣西參政劉允中

重臣授鉞殿南邦，五月旌旗過上江。  
青帶碧簪環畫省，綠沈金鎖護油幢。  
峒丁萬笠春耕野，海估千帆曉渡龍。  
銅柱南邊相憶處，尺書難寄鯉魚雙。

全思誠

寄題玉山草堂

草堂中人天下奇  
昔間盧鴻今見之  
鯨牙已出滄海底  
鳳雛猶隱崑山陲  
村醪醉客飛鑿落  
竹牀卧月吹參差  
相知何必曾相識  
畫裏題詩寄所思

詹同

秋夜書懷簡李希吉

江臯秋水明晚霞  
江城秋滿詩人家  
雙杵隔牆夜敲月  
一燈向壁寒生花  
烏鵲驚風繞紅樹  
紫蟹帶霜行白沙  
青虛之府入幽夢  
醒看河漢思乘槎



題雲林丹房為葛元德賦

盤龍菴前翠可食道人鑿雲開竹房丹光出林如月白  
石髓滿山連水香每聞向此采芝朮欲往從君愁虎狼  
展圖使我空歎息三十六峰清夢長

宋訥

答趙樵山見和二首

半年學稼入田中時訪村西鶴髮翁草徑暖煙晨牧犢  
蓬窓秋雨夜聞鴻瓜香果熟園林趣酒濁鷄肥里社風

野鳥不知興廢事爭枝擇樹滿林同

故里初歸整頓中草堂欲學浣花翁芳樽酒熟濃浮蟻  
老眼詩成遠送鴻晚節半籬黃菊露秋聲一榻碧梧風  
于今只有樵山在暮景何妨事事同

霍元方辭訓導之職來居東崖故居再用前韻  
賀之

舊隱高崖曲岸中療飢歸作採芝翁無人徑造依亭竹  
有子書追戲海鴻門外小船漁笛月籬東矮屋酒旗風

先生襟韻知何似秋菊春蘭臭味同

袁凱

聞笛

花發吳淞江上村  
隔花吹笛正黃昏  
風塵遠道歸何日  
燈火高樓合斷魂  
夜靜幾家無別淚  
雨聲終日過閒門  
天邊楊柳今無數  
短葉長條非故園

南村

南村煙樹接蒹葭  
白鷺翩翩滿白沙  
此地遂成茆屋計

何人更識老夫家  
即開斷壟行新竹  
便接平臯樹雜花  
戎馬紛紛終未已  
此身汎汎獨長嗟

春日溪上書懷

溶溶春水雜蒹葭  
嫋嫋晴風度落花  
小巷幾時佳客至  
新詩獨向野人誇  
未聞汗馬收諸國  
且逐閒鷗坐淺沙  
春色酒杯俱在眼  
底須辛苦欲還家

久雨

荒村處處間流水  
草閣時時自掩扉  
庭樹葉深沙鳥宿

野藤花退蜜蜂稀只將書卷消長夏更倚漁舟送落暉  
天意未教我馬息老夫漂泊敢言歸

張叔溫諸公攜酒至泖濱明日作此奉謝

八月風高鴻雁飛三江潮落蟹螯肥已揅白髮如秋水  
不厭清尊共夕暉氛祲遠連豺虎窟波濤晴晃芰荷衣  
揚雄舊宅城東住騎馬歸來月滿扉

寓所二首

草閣閒庭春水邊雨蒲風柳自紛然鄰翁對客還爭席

水鳥依人欲上船西北朝廷無使節東南城郭有烽煙  
老夫避地非遊說正少蘇家二頃田

西齋春樹日陰陰下有飛花一尺深幽趣未容他處坐  
新詩只向此中吟鄰翁小圃春相接漁父扁舟晚更尋  
歸去故園應念此他時懷抱亦難禁

登虎溪閣

秋深時節雨霏霏獨坐江樓看翠微煙火數家山郭晚  
篷檣幾處野航歸謀生計畫人皆笑投老鄉關事已非

聞道淮南新易將江湖此日欲沾衣

秋晚東海寓舍

落葉寒蟬小巷深枯藤斜日半牆陰讀書稚子當軒坐  
為客衰翁倚杖吟滄海未知終老計白頭難忘故園心  
敝裘零落餘雙袖清淚年來似不禁

沙邊

沙邊細路少人行只有閒花樹樹明水閣經春塵自滿  
風簾終日鳥爭鳴躬耕豈願將軍顧肥遁聊成處士名

白鷺晴煙滿平野老夫于此最關情

題馬氏草堂兼柬黃二秀才

江上草堂風物幽江花紅白滿汀洲  
鳴鳩呼婦東西去麋鹿將兒遠近遊  
已有軒窓成晚趣更無舟楫散春愁  
東鄰早晚櫻桃熟應與黃香數勸酬

白燕

故國飄零事已非舊時王謝見應稀  
月明漢水初無影雪滿梁園尚未歸  
柳絮池塘香入夢梨花庭院冷侵衣



趙家姊妹多相忌莫向昭陽殿裏飛

觀王生所藏王維畫

右丞小景樹參差我有林塘實似之  
日日欲歸還蹭蹬  
時時借看解愁思  
恨無黃鵠高飛去  
獨奈沙鷗靜不移  
明日江頭候春水  
典衣沽酒待篙師

鏡中梅

的皪孤芳野水濱  
折來應是曉妝人  
瑤池風暖香初散  
銀漢春回跡未真  
奔月定知猶有影  
凌波却喜不生塵

綠毛么鳳無棲處來往蘭房不厭頻

喜洪山人恕復至

煙巷鷄鳴曙色開秋林鵲噪遠人回老夫自埽風前葉  
稚子兼鋤雨後苔近市酒漿渾易得傍溪魚蟹亦須來  
鷗邊野水明如鏡更坐寒山共一杯

京師歸至丹陽逢侯生大醉

白下西風吹夜涼五湖秋草著微霜千家砧杵初凌亂  
獨客關山正渺茫歸去定應殘臘盡飄零猶幸此身強

丹陽郭裏盈樽酒且為侯芭發醉狂

郭外寄王錄事

白鷗黃鳥動春聲綠樹清波稱晚晴  
何用城中走塵土只消江上過清明  
深村濁酒還堪醉野老狂歌亦有情  
寄語東門王錄事底須辛苦過平生

賦黃葉漁村

澤國西風霜樹多蕭條茅屋倚江波  
家人酒饌兼蝦菜野老衣裳雜芰荷  
東海任公時問信滄浪孺子此來歌

白鷗亦有忘機意清影相看奈爾何

懷曾彥魯

不見曾公白髮侵酒杯棋局最關心年華冉冉情何限  
江海悠悠水正深欲買小舟隨雁去便從幽壑聽龍吟  
聞其恒往來龍井明年春滿長洲苑拄杖穿花處處尋

江上櫻桃甚盛而予寓所無有忽蘇城友人惠  
一大盒故賦

野店荒溪紅滿枝暖煙微雨共離披忽思西蜀句圓顚

正值東吳遠送時老子細看方自訝兒童驚喜欲成癡  
拾遺門下曾沾賜此日飄蓬也賦詩

得馬叟書作此遠寄

洛陽馬叟世稱賢童稚相看四十年只道詩名傳宇內  
寧知酒債滿江邊蓬蒿久沒揚雄宅鰕菜聊隨范蠡船  
此日將書付歸雁不勝清淚濕吳箋

浦上寓所

我有茅堂南浦潯回岡千尺晝陰陰繁花映帶墟煙密

弱竹留連海氣深寂寂軒窗唯鳥下蕭蕭風雨亦龍吟  
東家野老猶淳朴酒熟瓜香數見尋

橫溪寓所

高林深竹氣冥冥野色波光更滿汀草閣雨晴鳴翡翠  
花畦風暖入蜻蜓書成已與山公絕賦就惟教阿買聽  
猶未忘情是杯酒尚煩鄰里致盆餅

飲謝氏東園

謝氏池臺多好春風簾水檻不凝塵千鍾綠酒能留客

滿樹黃鸝更可人，蜨翅乍驚歌扇遠。  
柳花輕觸舞衣頻，醉餘蕩槳城東去。  
正值南湖月色新。

次圭法師過金秀才隱居

墟里人家煙霧深，背岡茅屋自陰陰。  
不愁逸竹妨嘉谷，自愛繁枝集衆禽。  
田父耰鋤時得借，漁人舟楫莫相尋。  
舊聞雞犬桃源裏，彷彿溪邊花樹林。

清明獨坐

花柳千家郭外村，老夫官屋近荒園。  
晴林渺渺浮雲氣，

細草油油疊浪痕  
川上畫船爭載酒  
煙中長笛自消魂  
暮年况復追遊倦  
落日泥牆獨閉門

高啟

送何記室遊湖州

暮雨關城獨去遲  
少年心事劍相知  
故人當路輕貧賤  
倦客逢秋惡別離  
疎柳一旗江上酒  
亂山孤棹道中詩  
水嬉散後湖亭廢  
此去煩君弔牧之

江上寄丁校理昆季



望裏煙生是子家  
草堂應近春令沙  
江汀每恨無舟渡  
野墅空憐有酒賒  
半雨暮成風外雪  
孤梅春動臘中花  
相思尚隔前村遠  
獨倚柴門數去鴉

送顧軍咨歸梁溪

新柳休攀短短條  
離愁似雪未能銷  
春回廢苑還芳草  
人渡空江正落潮  
德曜宅前今獨去  
平津門下舊相招  
重來莫在花開後  
擬聽狂歌醉幾朝

白蓮寺次韻杜進士喜予見過話舊之作

不辭鳴棹遠相尋  
欲向江齋伴旅吟  
百事未成年已長  
幾時纔別夏將深  
萱留倦蜨連池綠  
樹帶殘鶯滿寺陰  
恐被老僧嫌滯礙  
舊遊休說更傷心

賦得寒山寺送別

楓橋西望碧山微  
寺對寒江獨掩扉  
船裏鐘催行客起  
塔中燈照遠僧歸  
漁村寂寂孤煙近  
官路蕭蕭衆葉稀  
須記姑蘇城外泊  
烏啼時節送君違

送滎陽公行邊

風卷雙旌雪覆韉  
遠騎白馬出行邊  
兵馳空壁三千幟  
客宴高堂十萬錢  
屏裏舊圖魚復陣  
燈前新著豹韜篇  
功成他日論諸將  
只有荀郎最少年

送葉卿還隴西公幕兼簡周軍咨

落日關城動鼓笳  
遠遊憐汝尚無涯  
壯身謾託三公府  
歸夢難尋萬里家  
投驛暮山燈照葉  
待潮秋渡棹粘沙  
軍中記室如相問  
只說愁吟對菊花

西塢

空山啄木聲敲鏗花落水流縱復橫松風吹壁鶴翎隋  
梅雨過溪魚子生尚有人家機杼遠更無塵土衣裳輕  
斜陽已沒月未出樵子歸時吾獨行

過海雲院贈及長老

衲擁寒雲老一丘遊方無夢轉悠悠茶香吹過前林晚  
菜葉流來別澗秋舊拂講餘懸壁上殘經定後落牀頭  
紫藤塢裏歸逢雪煨芋曾煩慰客愁

送錢塘守

繁華莫歎異昇平到郡初煩露冕行幕下吏書催署字  
湖中妓舫歇歌聲潮來兩度皆侵岸日落諸山半入城  
休沐南屏煩一到松間尋我舊題名

陪臨川公遊天池

騎馬尋幽度嶺遲老僧不識使君誰門開紅葉林間寺  
泉漫青山石上池殘果已收猿食少枯松欲折鶴巢危  
壁間不用題名字無限蒼苔沒舊碑

客舍歲暮

空江寒雨送淒涼，離舍無多即異鄉。  
井臼尚勤慙德曜，音書未至憶平陽。  
心輕別歲憑年少，夢喜還家及夜長。  
自笑病來詞賦拙，懶從枚叟客遊梁。

江上晚眺懷王著作

渡頭西望足離情，晚水寒山雪後清。  
鷗立斷冰流漸遠，鴉隨殘照去還明。  
漁人笛過風生浦，估客帆迴樹隔城。  
范蠡祠前春意動，思君欲放酒船行。

遊雲巖值雨

深殿幽廊映竹開  
鳥聲忽斷雨聲催  
蘚生偏上題詩壁  
花落還臨說法臺  
林下聞鐘諸客散  
磴邊汲水一僧來  
晚晴更好看山色  
西閣憑闌獨未回

賦得惠山泉送客遊越

雲液流甘漱石牙  
潤通錫麓樹增華  
汲來曉冷和山雨  
飲處春香帶澗花  
合契老僧煩每護  
修經幽客記曾誇  
送行一斛還堪贈  
往試雲門日注茶

寄題張著作菁山隱居

霞映青山似赤城歸樓間已謝時名半湖殘雨收虹影  
幾樹斜陽帶鳥聲竹下逢僧投杖揖蘿間候客抱琴行  
平生應笑王夷甫末路方言少宦情

秋日江居寫懷

每看搖落即成悲況在飄零與別離為客偶當鱸美處  
思兄正值雁來時天邊暝為秋陰早江上寒因歲閏遲  
莫把丰姿比楊柳愁多蕭颯恐先衰

葭莢連秋渺渺長歸舟猶歎滯江鄉客衣欲冷鄰機急



農事初成野飯香千里斷雲隨雁鶩半村殘照送牛羊  
有愁不解登高賦空使頻迴宋玉腸

舌在休誇術未窮且將蹤跡託漁翁芙蓉澤國瀰漫雨  
禾黍田疇掩冉風身計未成先業廢心懷欲說舊交空  
楚雲吳樹無窮恨都在蕭條隱几中

風塵零落舊衣冠獨客江邊自少歡門巷有人催稅到  
鄰家無處借書看野蟲催響天將夕籬豆垂花雨稍寒  
終卧此鄉應不憾只憂飄泊尚難安

桑苧翁家次近居人煙沙竹自成墟移門欲就山當榻  
補屋惟防雨濕書貧為湖田長半沒拙因世事本多疎  
當時亦有求名意自喜年來漸已除

喪亂將家幸得全客中長恥受人憐妻能守道同王霸  
婢不知詩異鄭玄借得種蔬傍舍地分來灌菊別池泉  
却欣遠跡無相問一棹秋風笠澤邊

秋塘門掩竹穿沙為客鄰醑未易賒閒裏壯年慙白日  
愁中佳節負黃花漁村靄靄緣江暗農徑蕭蕭入圃斜

薄俗相輕吾敢怨魯人猶自笑東家

寄倪隱君元鎮

名落人間四十年綠蓑細雨自江天寒池蕉雪詩人畫  
午榻茶煙病叟禪四面荒山高閣外兩株疎柳舊莊前  
相思不及鷗飛去空恨風波滯酒船

與杜進士寅登白蓮閣對雨

遠愁高樹共離離風逆潮聲上浦遲海客市中煙起處  
江僧閣外雨來時船歸杳靄惟聞榜店隱蒼茫不見旗

回首南朝今幾寺可堪重詠牧之詩

與姪常遊東菴

水樹圍菴綠幾層陰中敲戶晝登登十年重到猶為客  
半日纔閒且訪僧舊履塵生趺後席亂幡風颭供餘燈  
高齋對作忘言坐此事堪憐汝亦能

謝周四秀才送酒

不忍醒愁只欲眠幾日花發自江邊欲沽百錢未易得  
忽送一壺真可憐梳頭好鳥鳴窓下洗盞流水到門前

今朝得醉已無恨不使春光空一年

上巳有懷

春寒渾未減征衣愁對佳辰坐掩扉江上琴書留滯久  
水邊車馬祓除稀閒園細雨梨花落廢苑平蕪燕子飛  
欲覓蘭亭會中友幾人遷謫未能歸

徐記室賁北歸見訪南渚復送還城

初辭楚澤到吳村訪舊嗟君古道存欲治息息歸後計  
難留款款坐中論雪遲似讓梅先白月早如愁樹已昏

此別終非前別遠孤舟江上莫銷魂

雨中寄劉沈二別駕

漠漠春寒水繞城誰家可作看花行一杯不得三人共  
二月都能幾日晴夢逐鶯聲風外斷愁兼草色雨中生  
畫船載妓南湖上不似年時放浪情

丁校書見招晚酌

正坐羈愁不自聊遠煩舟楫暮相邀江懸落日猶三尺  
風折垂楊定幾條流水入花村杳杳幽人對酒屋脩脩

此鄉不得君同客應是春來更寂寥

梅花六首

瓊姿只合在瑤臺誰向江南處處栽  
雪滿山中高士卧月明林下美人來  
寒依疎影蕭蕭竹春掩殘香漠漠苔  
自去何郎無好詠東風愁寂幾回開

縞袂相逢半是仙平生水竹有深緣  
將疎尚密微經雨似暗還明遠在煙  
薄暝山家松樹下嫩寒江店杏花前  
秦人若解當時種不引漁郎入洞天

翠羽驚飛別樹頭，冷香狼籍倩誰收。  
騎驢客醉風吹帽，放鶴人歸雪滿舟。  
淡月微雲皆似夢，空山流水獨成愁。  
幾看孤影低徊處，只道花神夜出遊。

淡淡霜華濕粉痕，誰施綃帳護香溫。  
詩隨十里尋春路，愁在三更挂月村。  
飛去只憂雲作伴，銷來肯信玉為魂。  
一尊欲訪羅浮客，落葉空山正掩門。

獨開無那只依依，肯為愁多減玉輝。  
簾外鐘來初月上，燈前角斷忽霜飛。  
行人水驛春全早，啼鳥山塘晚半稀。



愧我素衣今已化相逢遠自洛陽歸

斷魂只有月明知無限春愁在一枝不共人言惟獨笑  
忽疑君到正相思歌殘別院燒燈夜妝罷深宮覽鏡時  
舊夢已隨流水遠山窓聊復伴題詩

晚登南岡望都邑宮闕

落日登高望帝畿龍蟠山下見龍飛雲霄雙闕開黃道  
煙樹三宮接翠微沙苑馬閑秋獵罷天街車闕晚朝歸  
明朝欲獻昇平頌還逐仙班入瑣闥

奉天殿進元史

詔預編摩辱主知布衣亦得拜龍墀書成一代存殷鑒  
朝列千官備漢儀漏盡秋城催仗早燭明春殿卷簾遲  
時清機務多閒暇閣下從容幸一披

送沈左司從汪參政分省陝西汪由御史中丞  
出

重臣分陝去臺端賓從威儀盡漢官四塞河山歸版籍  
百年父老見衣冠函關月落聽雞度華岳雲開立馬看

知爾西行定回首如今江左是長安

清明呈館中諸公

新煙著柳禁垣斜杏酪分香俗共誇  
白下有山皆繞郭清明無客不思家  
卞侯墓上迷芳草盧女門前映落花  
喜得故人同待詔擬沽春酒醉京華

送吳生赴汴省其父指揮

都亭槐雨淨朝埃彩服逢秋試翦裁  
定遠未歸雙節在孝廉初去一船開  
城依梁苑煙中閉河繞隄隄樹裏來

家慶拜餘尋舊跡夕陽騎馬過繁臺

客舍夜坐

樓角聲殘鎖禁城燈花半落夜寒生啼鴉井上驚風散  
殘雪窓前助月明清世莫嗟人寂寞中年漸怯歲崢嶸  
酒杯詩卷吾家物客裏相親倍有情

送鄭山人聽宣諭後歸東陽

闔門傳詔山人拜清曉蓬萊望彩霞布褐朝天纔赴闕  
蒲帆帶雨又還家沈侯詠罷樓沉月婺女妝殘廟掩花

無限朝廷仁恤意殷勤歸向老農誇

春來

客愁擬向春來減春到愁翻倍舊時走馬已無年少樂  
聽鶯空有故園思日光晶晶濃熏草風力颺颺緩隋絲  
辟歷溝南酒家路共誰來往問花枝

送賈文學以郡薦赴禮部試畢歸吳

足馬都門候曉開吳公新薦賈生來郡中方待傳經業  
闕下先稱射策才寒食杏花江店雨春衣柳絮驛程埃

慚予東掖叨陪講難把長干送別杯

休沐日期行公遊北山不果獨卧齋中

休沐欣逢一日閒擬邀禪客共登山  
兩筇未許尋蘿徑孤枕應須掩竹關  
歷歷遠峰塵土外蕭蕭深屋草萊間  
安眠却勝清遊樂覺看斜陽燕子還

送內兄周誼還江上

憶奉綸音趨赴朝曾煩遠送過楓橋  
雲山方恨成睽阻雪夜俄來伴寂寥  
吳苑疎鐘沉晚樹楚江歸榜逐寒潮

情親海內如君少，敢惜離魂為一銷。

次韻楊署令雨中卧疾

雙桐分蔭曉池清，乍喜新晴覺病輕。  
蛛曳林風吹欲斷，鷺經沙雨洗偏明。  
吟多稍怯臨窓寫，卧久渾忘出市行。  
不道春歸踰一月，起聞歌鳥尚疑鶯。

謁甫里祠

衣冠寂寞半塵絲，想見江湖獨卧時。  
遁跡虛煩明主詔，感懷猶賦散人詩。  
釣魚船去雲迷浦，鬪鴨闌空草滿池。

芳藻一杯誰為奠鼓聲只到水神祠

歸吳至楓橋

遙看城郭尚疑非不見青山舊塔微  
官秩加身應謬得鄉音到耳是真歸  
夕陽寺掩啼鳥在秋水橋空乳鴨飛  
寄語里閭休復羨錦衣今已作荷衣

舊有塔  
今廢

送徐山人還蜀山兼寄張靜居

我因解紱遠辭京君為修琴暫入城  
偶爾相逢春酒熟飄然忽去暮煙生  
山頭學嘯猶聞響世上留詩不寫名



西礪煩詢張靜者年來註易幾爻成

寄題內弟周思敬野人居

野人何處是幽棲聞在天隨舊宅西  
半屋圖書春落蠹一村花柳畫鳴雞  
分泉自給烹茶水待雨唯畊種藥畦  
日暮扁舟欲相訪恐驚鷗鳥過前溪

喜幼文北歸

風塵萬里損光輝舊面相逢却訝非  
在路定留經處詠還家猶著去時衣  
久留遠土蟲蛇雜忽解高羅鴻鵠飛

尚念梁園二三客與君同去不同歸

江山晚眺圖

一髮青山斷雁邊  
渚宮樓閣暮雲連  
煙波彷彿江南意  
風柳依稀峽外天  
釣艇歸時風動葦  
僧鐘起處日沈煙  
觀圖忽起滄洲想  
身隨黃塵又幾年

遷城南新居

辛苦中年未有廬  
東西長寄一囊書  
未能避俗還依俗  
堪信移居更索居  
葉滿林園煙幕幕  
竹連僧舍雨疎疎

何須許伯長安第此屋脩然已有餘

逢倪徵士

數千里外久相違十八灘頭偶獨歸  
自說病來辭幕府只因愁絕念庭闈  
吳歌重把還鄉酒蠻布猶穿過嶺衣  
話盡三年遊歷事滿庭風雨送斜暉

雪中

舟絕寒江凍不潮縈沙拂柳影脩脩  
纔從漁浦磯邊積還向樵村竹外飄  
撲馬憶從年少樂點袍曾逐侍臣朝

如今獨坐吟詩句茅屋茶煙冷未消

過僧舍訪呂敏

幾欲相尋與願違今朝始得過禪扉  
磬聲穿竹山房遠屐齒粘苔石徑微  
幽鳥每同馴鴿下高人閒與老僧依  
談詩說偈俱堪喜坐覺茶香上薜衣

初夏江村

輕衣軟履步江沙樹暗前邨定幾家  
水滿乳鷗翻藕葉風疎飛燕拂桐花  
渡頭正見橫漁艇林外時聞響緯車


最是黃梅時節近雨餘歸路有鳴蛙

江村

南園薰風吹葛衣汀花未露岸花稀  
水神廟下莎侵路江叟門前柳映磯  
犢卧已知耕耒歇鷗驚長見釣船歸  
天隨宅畔吾曾住留得閒留挂夕暉



御選明詩卷六十八



總校官庶吉士臣侍朝

校對官檢討臣蕭九成

謄錄舉人臣傅環芳